

حزینة محاکمات

جمعه ایرتسی

نومرو	جمادی الآخر	سنه	شباط	سنه	صحیفه
۴۳۳	۱۳	۱۳۰۵	۱۳	۱۳۰۳	۴۷۴۶

(اشبو غزته بهر هفته جمعه ایرتسی کونلری چیقار سنه لکی در سعادت ایچون مجیدیه یکریمی)
 (غروش حسابیله التمش غروشدر طشره لر ایچون اون بش غروش پوسته اجرئی ضم اولنور بهر)
 (نسخه سی ینه مجیدیه یکریمی غروش اولق اوزره یوز پاره یه هر یرده صاتیلور درج اولنه حق اعلاناتک)
 (هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی داترسنده کاتن)
 (جریده محاکم اداره سنه مراجعت ایلملیدر)

مسام الدین افندی

کمرادرمید قضاسی بدایت محکمه سی مقاولات
 محرر لکنه خلیل رحی افندی

قوش اطه سی قضاسی بدایت محکمه سی مقاولات
 محرر لکنه کمال افندی

مترویجه قضاسی بدایت محکمه سی مقاولات محرر لکنه
 قدری افندی

اینه بولی قضاسی بدایت محکمه سی مقاولات محرر لکنه
 علی نجاتی افندی

معلقره قضاسی بدایت محکمه سی مقاولات محرر لکنه
 محمود افندی

کرماستی قضاسی بدایت محکمه سی مقاولات
 محرر لکنه غالب افندی

قسمت سی

توجیهات

حله سنجاغی مرکز بدایت محکمه سی مقاولات

محرر لکنه ابراهیم افندی

اسکوب سنجاغی مرکز بدایت محکمه سی مقاولات

محرر لکنه رفعت افندی

طویران قضاسی بدایت محکمه سی مقاولات محرر لکنه

ادلب قضاسی بدایت محکمه سی مقاولات محرر لکنه
انطواناکی شماع افندی تعین اولمشدر

(فی ٨ جادی الاخری سنه ٣٠٥ فی ٨ شباط سنه)
(٣٠٣ تاریخنده در سعادت محاکم نظامیه رؤسایله)
(بالعموم ولایات محاکم استینافیه سی مدعی عمومیلرله)
(ایجاب ایدن محللمدعی عمومی معاونلرینه)
(یازیلان تحریرات عمومیه صورتیدر)

باراده سنیه مؤسس اولان انونیم شرکتلری
نظامنامه لرینک مرعیت احکامی ایچون تکرار
اراده سنیه استحصالی تجارت قانونک یکریمی
سکزیجی ماده سی احکامندن ایسه ده اوچیزوز
سنه سنده بومثللو انونیم شرکتلری نظامنامه لرلی
ایچون بر نمونه تنظیمیه دولجه متخذ اصول
ونظام حکمنده باراده سنیه نشر اولمش ومذکور
شرکتلر نظامنامه سنده کوزه دلمسی لازم کلان
شروط وقبود دخی بونمونه ده موجود بولمش
اولدیغی کی انونیم شرکتلرینک تشکیلی ایچون
اساساً اقتضا ایدن مساعده دخی امتیاز فرمان
عالیسیله اعطا قلمتده بولمش اولسی جهته انونیم
شرکتلری نظامنامه لرینک تکرار استیدانندن صرف
نظرله حائد اولدیغی دائره لرحه بالتطبیق تسجیل
ومقاولات محرر لرینه تصدیق ایله اکتفا قلمسی

شورای دولت قراری اقتضاسندن بولندیغی بیان
عالیسیله ایفای مقتضاسی باند کرا سامیه امر
واراده بیورلمش ولایم کلنره تبلیغ اولتمق اوزره
اشبو تحریراتک نسخ مطبوعه کافیه سی لغاً ارسال
قلمش اولمغله ایفای مقتضاسی خصوصه همت
اولنسی سیاقنده شقه ترقیم قلمدی

(فی ١٠ جادی الاخری سنه ٣٠٥ فی ١٠)
(شباط سنه ٣٠٣ تاریخنده بالعموم ولایات استیناف)
(مدعی عمومیلرله رأساً اداره اولنان محللمر)
(مدعی عمومی معاونلرینه ودر سعادت استیناف)
(مدعی عمومیلکنه یازیلان تحریرات)
(عمومیه صورتیدر)

ولایات محاکم نظامیه وتجاریه سیله مقاولات
محرر لکری حاصلاتندن نظارت وزنه سنه حائد
قسمتک جلب وارسانجه حصول وتقرر انتظام
مقصدیه جانب محاسبه دن تنظیم اولنان ایکی نوع
جدول نمونه سی ابله بولنرک وقومیسین مخصوص صبحه
قلمه النان تعلیماتک لزومی مقداری لغاً ارسال
قلمدی مطالعه لرندن معلوم اوله جنی وجهله اشبو
ایکی نوع جدولدن بری بالعموم محرر لکرحه
تنظیم اولنوب لوا مدعی عمومی معاونلرینه
کوندر لیه جک ودیکریده قضا ورأس لوا
محرر لکرنندن مدعی عمومی معاونلرینه کوندر یلان

اشبو جدوللر اوزرینه مدعی عمومی معاونی طرفندن
تنظیم ایدیله جک اولان جدول نمونه لریدر محرر لره
مخصوص اولانلردن هر محرر ایچون بری محرر لک
دائره سنده مجلد اوله رق حفظ اولتمق دیکریده لوا
مدعی عمومی معاوننه کوندر لک اوزره آیده ایکیشر
هددندن بر سنه لک یکریمی دردر ومعاونلره کذلک
یکریمی دردر عدد جدول ایله قضا لر ایچون بری
محرر ودیکری بدایت وبریده وار ایسه تجارت
محکمه سی زدننه بولتمق اوزره اوچر نسخه تعلیمات
وبر عددده نمونه اوله رق طولیدر لمش جدولک ولوا
معاونلرینه کذلک محرر وبدایت محکمه سی حقوق
وجزا دائره لر لیه تجارت محکمه سی ومعاون زدننه
بولتمق اوزره بشر نسخه تعلیمات وبرر نسخه کذلک
طولیدر لمش جدول نمونه لرندن ارسال واعطاسی
واستیناف حقوق وجزا دائره لرینه برر قطعه تعلیمات
ویرلمسی لازمهدن اولمغله برابر بولنرک تعلیمات
مذکورده کوسه تر یلان صورت وجهله تنظیم
ومیعاندنه تسبیاری بغایت مطلوب وملتزم در
ایشته شوا یضاحات وتفصیلاتدن معلوم اوله جنی
وجهله اوچیزوز درت سنه سی مارتندن اعتباراً
احکام تعلیماتک وجداول مندر جاننک کاهی حقها
تنفید وایفاسی وبوبله بر معامله مادیده تکامل
ورخاوتلری کور بیه جک مأمورین حقننده بلا استثنا
معامله مقتضیه اجرا مقرر مصمم اولمغله شو وصایا
دائره سنده حرکت اولنسی وشمدی به قدر سنه
حالیه به متعلق تداخل ایدن شهر جدوللرینک

اصول سابقه دائره سنده سریرعاً تنظیم ایله فضله
حاصلاتک تأدات مقبوض سنداتیله برابر اوچیزوز
درت سنه مارت غایه سنه قدر پیدر پی سریرعاً
کوندر لمسی منتظر اولدیغی معلوم اولتمق ایچون دوا
عدلیه به تودیع ایلمک اوزره اشبو تحریراتک نسخ
مطبوعه کافیه سی ومصدقیه سی لغاً کوندر لمش اولمغله
وصولنده تداخل حسابیه سیبیت وبرمامک اوزره
بلاتاًخیر سریرعاً محللرینه ارسال و بولنرک قنغی
تاریخنده وصول بولوب نه تاریخنده ملحقه اته
کوندر لیدیکنک اشعاری مطلوب قطعی اولدیغی
ومذکور جدوللرک تنظیمنده حاصلات وعائداتک
مجیدینک فیات حقیقیسه یعنی اون طقوز غروش
حسابیه قید وادخال اولنسی اقتضا ایلیه جکی یانیه
شقه مخصوصه ترقیم قلمدی

قسم غیر رسمی

(قانون)

کره ارضده جمعیت ومدنیته یشایان نوع بنی بشرک
انتظام دوا می یکدیگرینک معاونتیله حاصل اوله جنی

مستغنی تذکار در او معاونت بشریه ایسه تشعب
ایده رک بر چوق معاملات وضعیله تأمین و تنسیق
ایدلش اولسنه نظراً معاملات وضعیه نك اجراسنه
افراد اهالی بی اجبار ایده جك آلت مفقود اولسیدی
کندی رأیله عمل و حرکت موافقت کوستر میمان
انسانلری دائرة اطاعتده بولندی مق مشکل اولوردی
شو مقصده مبنی هر دولت ملت و تبعه سیچون بشقه
بشقه آلتلر وضع ایش و بوالته « قانون » نام
جلیلی ویرلش دیمک اولور « مثلاً خانه انشا
ایتدیریه جك اولسه دولکر وسارنه نك معاونتنه
احتیاج مس ایدر بو نك معاونتی منفعت
شخصیه لینه منحصر اوله جغی طبیعی و شو معامله دن
اراده منازعه ظهور ایدر ایسه هر ایکی طرفی اقتناع
و حقنه رضا و اتباع ایتدیره جك برواسطه نك لزوم
وجودی بدیهی اولوب بو واسطه ده قانوندر «
اویله ایسه قانون افراد ناسک حقوقی محافظه ایتک
وظیفه سنی جامع اولدیغنه شبهه ایدلما ملیدر .
حالبوکه استعمال ایدلک ایچون قانون طرف دولتدن
منصوب مأمورلره تودیع اولنش اولدیغی حالده
بعض محللری مغلق اولسندن حسن استعمالجه
تصعیباته دوچار اولنه کلدیکی امثال کثیره سی
دلالتیه مثبدر . از جمله تشکیلات محاکم قانونک
یکرمی بشنجی ماده سنده « حقوق عادیه دن منبعث
اولوب رأسی المالی اون بیک غروش قیمت و یا خود
سنوی بیک غروش ایراد و یا قیمتی تعیین و تقدیر
اولنامش برشی اوزرینه قضا بدایت محکمه لرندن

غروشدن دون اولان دعوایده ولایت استیناف
محکمه سنده استیناف ایتک صلاحیتی حائز اولدیغنی
اشراب ایتسنه ولو محکمه سنک قیمتی اون بیک غرو
شدن فضله دعاوی بی تدقیق ایتک صلاحیتی خارجنده
اولدیغنه دائر بر قید و اشارت اولماسنه و علی
الخصوص امور تجاریه به متعلق ایکنجی فقره سنده
قیمت و یا مبلغ تعیین ایدلما سی قضا محکمه لرندن
تجارتیه متدائر و یریلان حکملری لوا محکمه سی
مستأنفک مراجعتنده صورت مطلقه ده رؤیت
ایده جکی مستفاد اولسنه کوره قضا محکمه لرندن
قیمتی اون بیک غروشدن متجاوز دعوی حقننده
و یریه جك حکملرک لوا محکمه سنده استینافاً
تدقیق جائز اوله ییلور . بو ماده کبی مغلق ده
مواد قانونیه بولنور ایدیسنه اکثریسی تمیز
محکمه علیه سنک همتیله حل اولمقده ایدوکی دیده
شکران ایله کورلکده در . بو کره تعدیل و تصحیح
اولنان تمغا قانون نامه سنک اون سکرنجی ماده سنه
عطف نظر ایدلکده پولاریالکزمهر یا امضا یا خود
تاریخک بر قسمی اوزرینه تصادف ایتدیرلد کده
بطال اوله جغی مصرح ایسه ده عقد اجاره به دائر
تنظیم و بلدییه دن تصدیق اولنه جق قونطورا توله
ربط ایدلسی لازم کلان قونطورا تو پولاری ایجار
و عقار نظامنامه سنک اون دردیجی ماده سنه توفیقاً
هم تاریخ همده مهرک بر قسمی اوزرینه یورید
لدیکه ابطال ایدلش عد اولنیه رق جزای تقدی
اخذ و استیفا ایدیه جکی جهتله بو صورتله پولی

ابطال ایدلماش قونطورا تو ابراز اولنورسه
جزای تقدیمی التیق ایجاب ایده جك یوقسه
مذکور اون سکرنجی ماده احکامک بو کاده می شمولی
اوله جق خصوص مذکور جای تردد زیرا ایجار
و استیجار قونطورا تو پولرینک صورت استعمال
و ابطالی مذکور اون دردیجی ماده باقی اولدیجه
اکا تابع اولق اقتضا ایده جکی و سالف الذکر اون
سکرنجی ماده نك حکمی قبل تعدیل بو ماده به
موافق ایکن بری تصحیح دیکری ابقا اولنسی
یکدیگرندن تقریق ایدلدیکنه می حل اولنه جق
مطالعه اجزانه م حد ناشناسلغمه حل اولسه ییله
بو بایده معلومات تامه سی اولان ذوات کرام لطفاً
حل مسئله بیورلرده بزم کبی عاجزلرده مستفید
اولور ملاحظه سی معروضات واقعه مک سردینه
جسارت و یردیکندن معذور طوتیله جغم در کادر
دده اخراج بدایت محکمه سی

ضبط کتبه سنندن

محمد صبری

٢٨ کانون ثانی سنه ٣٠٣

(محکمه تمیز جزا دأر می)

بر شخص ایکی کسنه بی ضرب ایتدیکی بر محاکمه ده
ثابت اولدیغی وهیئت حاکمه قانون جزانک یوز

یتش طقوزنجی ماده سنه توفیقاً ضاربند اچقه
النوب مضروب ویرلسی صورتی تنسیب ایتدیکی
تقدیرده ضاربند هر مضروب ایچون لاقول
بر مجیدیه التونی اخذینه حکم اولتیق لازم کلور
عکسی صورتده یعنی ایکی مضروب ایچون ضاربند
بر مجیدیه اخذینه حکم اولندیغی حالده حکم مذکور
نقض اولنور

(خلاصه ماده)

بک اوغلنده حکیم باغچه سنده ساکنه ماریغوابله
مانیکی ضرب ایتسندن طولایی مظنون علیها
اولان انسطاشیه نك بک اوغلی بدایت محکمه سی
جزا دائره سنجه بالمحاکه قانون جزانک یوز یتش
طقوزنجی ماده سنه توفیقاً کندوسندن برآلتون
النهرق مدعیه شخصیه لره اعطاسنه قرار ویرلش
وهیئت حاکه رئیس سابق واعضادن برذات ایله
باش کاتبین عبارت بولنمش و حالبو که مذکور
یوز یتش طقوزنجی ماده ده مصرحاً مذکور
اولدیغی اوزره هر مضروب ایچون لاقول برآلتون
حکم ایدلک مقتضی و بنا برین ایکی مضروب
ایچون یالکز برآلتون حکم ایدلسی تطبیقات
قانونیه جه و محکمه مذکورده اعضا ملازمی
بولنسنه نظراً صورت تشکیلی لوابدایت محکمه سی
درجه سنده اولدیغی حالده باش کاتبک
اعضایه وکالت ایتسی و بناء علیه هیئت حاکه نك

عدد قانونیسندن دون اوله رق تشکل ایتش
اولسی دخی اصول محاکمه جه مفسوخیت حکمی
مؤدی اولوب ققط اوراق جلب و مطالعه قلیجه به
قدر مدت استینافیه سی مرور ایش اولدیغی
جهتله اصول محاکمات جزاییه قنونک اوچیوز
قرق یدنجی ماده سی موجبجه معامه مقتضیه سنک
اجراسی در سعادت استیناف مدعی عمومیس
طرفیندن عدلیه نظارت جلیله سنه اشعار قلمسی
اوزرینه اولوجهله معامله لازمه نك ایفاسی
نظارت مشار الیه ایدان محکمه تمیز باش مدعی
عمومیلکی مأموریت علیه سنه امر و بنا و مأموریت
مشار الیه ایدان دخی بوباده کی اواباق بابتلیغنامه
محکمه تمیز جزا دائره علیه سنه اعطا ماده
قانونیه مذکورده احکامی فعل مدایه فاعلنک
تعددیله نسبتله طرح جزایی متضمن اولوب
یوقسه مفعولک تعددیله جزای نقینک دخی اکا
نسبتله تکثیری لازم کلیه جکنه مبنی بوجهت
اسباب نقضیه دن دکل ایسه ده هیئت حاکه نك
عدد قانونیسندن دون درجه ده تشکیلی اصول
محاکمه متفرع نواقصدن و نقض حکمی مستلزم
اسباب قانونیه دن بولندیغندن بحثله زار مذکورک
نفعاً للقانون نقضی طلب وادما قلمسی اوزرینه
دائرة مشار الیه ایدان صادر اولان قرار بوجه
آنی عیناً درج وازبار اولنور

(صورت قراریمز)

سائر اوراق دعوی دخی قرآتله تدقیقات تمیزیه
اجرا اولندی غیباً صادر اولش ومؤخراً
وقوعبولان اعتراض اوزرینه کأن لم یکن
حکمنده قلمش اولان حکمی اعطالیدن هیئت محکمه
تلیغنامه ده بیان اولندیغی اوزره مخالف قانون
اوله رق تشکل ایتش ووجهی محاکمه بی اجرا
ایدن هیئتک صورت تشکیلی بولنده ایسه ده صادر
اولان حکمنده ایکی مضروب ایچون برآلتون جزای
نقدی التمنه دائره ویریلان قرارماده مخصوصه سنه
مخالف اولوب زیرا تطبیق اولسان یوز یتش
طقوزنجی ماده نك عباره سنده « بر مجیدیه التوندن
بش مجیدیه التونه قدر اچقه النوب مضروب
ویریلور » دیو مصرح اولوب بوحالده هریر
مضروب ایچون اولقدار اچقه نك النوب ویرلسی
متضمن بولنمش اولدیغندن اشبو سبیدن طولایی
اصول محاکمات جزاییه قانونک سالف الذکر
اوچیوز قرق یدنجی ماده سی موجبجه قرار
مذکورک نفعاً للقانون نقضیه اکثریت آرا ایله
قرار ویرلدی

(بیک اوچیوز بش سنه سی محرمک یدنجی بازار)
(کونی غلطه ده مومخانه جاده سنده بچاقله)
(جرح ایدیلهرک متأثراً وفات ایدن استمطک)
(محاکمه علیه ضبطنامه سی صورتبدر)

بیک اوچیوز بش سنه سی محرمک یدنجی بازار
کونی غلطه ده مومخانه جاده سنده بچاقله جرح
ایدیلهرک متأثراً وفات ایدن استمطک قانلی اولدیغی
ادعایه مظنون علیه اولان واسیل وادقوسطینک
جنایتله اتهامنه دائره هیئت اتهامیه دن تنظیم
اولنان ۱ کانون اول سنه ۳۰۳ تاریخلی و ۳۴۳
نومرولی مضبطه ایله استیناف مدعی عمومیلکی
مأموریت بیه سنک فی ۱۷ کانون اول سنه
۳۰۳ تاریخلی و ۵۵۳۹ نومرولی اتهامنامه سی
اوراق متفرعه سیله ۳۱ کانون اول سنه ۳۰۳
تاریخنده محکمه جنایتله تودیع اولنغله بالمطالع
اصول محاکمات جزاییه قانونک ایکیوز قرق
سکرنجی و ایکیوز قرق طقوزنجی ماده لرینه توفیقاً
بیک اوچیوز اوج سنه سی کانون نایدسنک ایکنجی
جمعه ایرتسی کونی متهم واسیل توفیقخانه دن
کتوریلهرک استجواب و مدافعه سنده معاونت ایتک
اوزره بروکیل انتخابی تکلیف اولندوقده انتخاب
ایده جکی بروکیل اولدیغنی سویلدیکندن محکمه
زنده بولنان دعوی وکیللرندن قسطاکی لویدی
افندی مرقومه وکیل تعیین وقانون مذکورک
ادعای مفسوخیت حقیقده اولان ایکیوز الی برنجی

ماده سی مندرجاتی اخطار قلندری مبین طویلان
 ضبط ورقه سی تحت امضایه الدیرلدی
 ادعای مفسوخیت ایچون معین اولان مدت قانونیه
 منقضیه اولغله مرقومک اجرای محاکمه سی
 سنه مرقومه کانون نائیسنک طقوزنجی جمع ایرتسی
 کونته قرار لشدرلدی
 یوم مذکورده ساعت یدی راده لرنده قانون
 مذکورک ایکوز التمش اوچنجی ماده سنه توفیقاً
 متهم توقیفخانه دن جلب اولنهرق وکیلی قسطاکی
 لویدی افندینک وقوع معذرتنه مبنی یوم محاکمه ده
 حاضر بولنه مدیغندن طویلابی متهم واسیلک انضمام
 موافقتله وکیل تعیین قلنان رجائی افندی مرقومک
 یاننده بولندیغی ومدعی عمومی معاونی عزتلوجدی
 افندی ایله مدعی شخصی مقتولک پدری ساقزلی
 یورکی حاضر اولدقلمری حالده علناً اجرای محاکمه به
 بالابتدار مرقوم واسیل استجواب اولندقدده
 قرق یاشنده ویانیه لی اولوب پنجشنبه بازارنده
 خریدونک فرونده خور کارلق ایلدیکنی سویلیسه
 کندوسنه ووکیل موعی ایله رجائی افندی به
 قانون مذکورک ایکوز التمش دردنجی وایکیوز
 التمش بشنجی ماده لری مدلولاتی اخطار اولندقدن
 صکره اتهام مضبطه سیله اتهامنامه ضبط کاتبی
 امین افندی به قرائت ایتدیرلدی
 مضبطه مذکوردهک مالی مظنون علیه واسیلک
 استمطی جرح وقتل ایتدیکی مرقومک عقیب

وقوعانده ازمیده فرار ایدوب اوراده طویلهرق
 درسعادت ککتور لیدیکنده استمطله اولان
 معارضه لرینی اعتراف ایلمسی واستماتک قبل الوقات
 جارحی واسیل اولدیغنی سویلیسی ونباکوچی جبار
 اغایله اوئیدینک اخبارلری ومجروحک جرحدن
 متأثراً وفات ایلدیکینک معاینه راپورت مندرجاتدن
 اکلاشلسی ایله تحقق ایتیش وحركت واقعہ سی قانون
 جزانک بوز یتیش دردنجی ماده سی حکمنی مستلزم
 افعال جنایتدن کوراش اولغله مرقومک
 اولوجهله اتهامنه قرار ویرلدیکنی وایماننامه سنک
 مزایایسی دخی مرقوم واسیلک مضبطه مذکورده
 مندرجاتی وجهله متهم بولندیغنی یسندن عبارتدر
 قانون مزبورک ایکوز التمش التنجی ماده سنه
 تطبیقاً اتهامنامهک خلاصه سی جانب ریاستدن
 متهم واسیله تفهیم اولندقدن ومعاون موعی ایله
 جدی افندی مرقومک مابه الاتهای اولان احوالی
 بیان وتشریح ایلدکدن صکره مرقوم
 سو بولتدیرلدکده بر بازار کونی ساعت طقوز
 راده لرنده غلطه ده طوغری بولدن کیدر ایکن
 تصادف ایدن استمط کندوسنی چاغروب ایکی
 طوقات اورهرق یره دشوردیکنی ومرقوم
 سرخوش اولدیغنی جهتهله کندوسی قابله ایتیب
 بولنه دوام ایتدیکی حالده مرقوم ینسه کندوسنی
 تعقیب ایلدیکنی والدی السؤال بر معنا ایش ایچون
 ازمیده کتدیکنی بیانله انکار جرم ایتیب اوزرینه

مدعی شخصیدن جریان وقعه وادعایسی سؤال
 اولندقدده مخدومی استمطک وفاتدن طویلابی مکدر
 اولدیغنی جهتهله بوباده برشی دیه میوب هیئت
 محکمدهک وجدانته حواله کیفیت ایلدیکنی سویلدی
 مدعی عمومی طرفندن ویریلان شهود پوصله سنده
 اسامیسی محرر اولوب دعوت واقعه اوزرینه
 محکمده کلمش اولان ننباکوچی ایرانی جبار اغا
 ومیخانه جی اوئیدی ووبوده مرکزنده مستخدم
 قومیسر ثالث علی رضا وپولیس افرادندن نوری
 افندیلر اصول محاکمات جزائیه قانونک ایکوز
 التمش سکرنجی ماده سی موجبیه بعد التحلیف
 منفرداً وموا جهة استماع اولندقلرنده بولردن
 جبار اغا وقعه کونی دکاننده اوتورر ایکن اولجه
 طانیدیغنی بو واسیل طانیدیغنی بریسیله معارضه ایتدکری
 صره ده مرقوم واسیل بلندن برقاریش بوینده
 چیقاردیغنی بیخانی دیکرینک بوش بوکرینه بردفعه
 اورهرق کرچ قپوسنه طوغری فرار ایتدیکی
 مشهودی اولدیغنی ومیخانه جی اوئیدی دخی
 وقعات کونی استمط ایله طودوری اسمنده بریسی
 سرخوش اولدقلمری حالده میخانه سنه کلوب
 شراب ولیموناته ایچرلر ایکن بو واسیلک کله رک
 مرقوم طودوری ایله کورشمسنی استمط ایتیبوب
 بیلرنده برنازعه اوله جغنی حس ایتکله واسیلی
 طیشارویه چیقاردیغنی وکندوسی ایشی ایله
 مشغول اولدیغنی صره ده استمط دخی طیشاریه
 چیقادیغنی معقب زقاقده برکورتلی ایشتمکله

باقدیغنده واسیلک قاقچده واستمطک دخی النده
 اسکمه ایله مرقومی تعقیب ایتدکده اولدیغنی
 کوردیکنی وبشقه شیدن معلوماتی اولدیغنی
 وقومیسر علی رضا افندی دخی الدیغنی معلومات
 اوزرینه محل وقعه به کدیکنده استمطک
 باغرصقلمری خارجه حقیقهش اولدیغنی حالده یان
 اوزرینه یاتمقدده اولدیغنی کورمکله وقوعبولان
 سؤالی اوزرینه جارحی خورکار واسیل اولدیغنی
 سویلدیکنی افاده وپولیس نوری افندی دخی
 موعی ایله علی رضا افندینک اخباری وجهله
 کیفیتیه حکایه ایله جمله سی مضبوط افاده لری
 دائره سنده ایفای شهادت ایلدیلر اساس ژورنالیه
 معاینه راپورتی قرائت اولندقدده بولردن اساس
 ژورنالینک مالی جریان وقعه یی اخبارات مذکورده
 دائره سنده تفصیل وحکایه دن ومعاینه راپورتک
 مفادی دخی مرقوم استمطک بطنک صول طرف
 اسفلی اوزرنده برالت قاطعه ایله حصوله کلان اون
 بش ساتیمترو طولنده کی جریحه بالاخره التهاب
 پریطون حاده علتی انتساج ایدهرک متأثراً وفات
 ایتدیکنی میندر
 احوال موجودیه وشهودک ذات وشهادت لرینه
 قارشو نه دیه جکی متهم مرقوم واسیلدن لدی -
 السؤال انکارنده اصرار ایتسیله تحقیقاتک بولدن
 عبارت ایدوکی بیان اولندقدده معاون موعی ایله
 جدی افندی متهم مرقوم واسیلک استمطی بالتهور

جرح و قتل ایلدییکی احوال موجوده ایله تحقیق ایتکده اولدیغندن مجرمینه قرار ویرلمسنی و مدافعه و کیلی رجائی افندی دخی وقتک عدم مساعده سنه مبنی مدافعه نك وقت آخره تعلیقنی طلب ایتکده وساعت دخی اون بریجغه تقرب ایتش اولغله اکیال محاکمه یوم آخره تعلیق اولندی

بیک اوچیوز اوج سنه می کانون ثانیئک یکریمی برنجی پنجشنبه کونی متهم واسیل توقیفخانه دن کتوردیلرک و کیلی رجائی افندی یانده اولدیغی ومدعی عمومی معاونی عزتلو جدی افندی ایله مدعی شخصی یورکی حاضر بولند قبری حالدده ضبط سابق قرائت اولندقدن ومندرجاتی حقیقده طرفینک بر دیه جکری اولدیغی لدی السؤال اکلشلدقدن صکره وکیل مومی ایله مدافعه به مباشرتله استماع اولنان شهوددن فعلک وقوعی عیناً مشاهده ایدن جبار افا اولوب شهود سارهدن لؤنیدینک اخباری مسوعات و قومیسر علی رضا و پولیس نوری افندیلرک اخباراتی دخی مقتولک قبل الوقات واقع اولان افاده سی اوزرینه بیان معلوماتدن عبارت اولدیغندن شوحالدده مرقوم جبار اغانک شاهدواحددرجه سنده قالدیغنی ومع هذا استمات ایله واسیلک مست لایعقل اولهرق ایتدکری منازعه اثناسنده استماتک شخص آخر طرفندن جرح اولمسی محتمل اولوب مرقومک بنی واسیل جرح ایتدی دیمسی جریحه دن حاصل اولان

وجع وتأثر سائقه سیله سویلتمش برسوز اولدیغنی والحاصل احوال موجوده موکلنک تجریمه غیر کافی بولدیغنی بیانله برائت ذمتنه زار ویرلمسنی طلب ایتش ولدی الاستفسار طرفینک بشقه بر دیه جکری اولدیغی اکلشلمش اولغله محاکمه نك ختام بولدیغی بعد التفهیم مذاکره اوطه سنه کلندی

طرفینک ادعا ومدافعاتی وتدقیق اولنان افادات مضبوطه اوراقی اوزرینه ایجاب کیفیت لدی التذکر متهم واسیل هر تقدیر انکار تهمت ایتکده ووکیل مومی ایله دخی بوجه محرر مدافعه ایتکده ایسه لرده مرقومان میخانه دن چیققرق بولردن استماتک واسیلی اسکمله ایله بالنعقب منازعه ایتدکری میخانه جی لؤنیدینک ومتهم واسیلک بلندن چقاردیغی برقاریش بوینده بچنی استماتک بوش بوکرینه صاپلادیغنی تنباکو جی جبار اغانک واستماتک قبل الوقات بنی جرح ایدن واسیلدر دیدیکی قومیسر علی رضا و پولیس نوری افندیلرک حضور محکمه ده مع القسم وعلی الدرعات استماع اولنان افاداتندن واستماتک جرح مذکوردن متأثراً وفات ایلدیکی معاینه راپورتی مندرجاتدن مستبان اولمسنه ومتهمک مقتول ایله اولان مبارضه لرینی اعتراف ایتسی وعقیب وقوعاتده از مید فرار ایتسی وحالت نزعه کلان برآدمک اصل جارحنی کتم ایله شخص آخره اسناد جرم ایتسنک مسبعد اولمسی ومتهمک شواسه بانی جرح وابطال ایده جک

صورتده سبب معقول در میان ایده ماهسی کبی احوال دخی فعل مذکورک متهم واسیلدن صدورینی مؤید دلایلدن کورلمسنه مبنی مرقومک انکاری واهی وشاهدلردن جبارک اخباری دیکر لرینک افاداتی ایله تأیید ایتکده اولدیغنی کبی استمات ایله منازعه ایدن بو واسیل اولمسنه نظراً قتلک شخص آخر طرفندن ایقاع ایلدی محال کورلمش وشو حالده استماتک افاده مضبوطه سی دخی مقبول بولتمش ایدو کندن وکیل مومی ایله مدافعه سی دخی مردود اولوب بناء علیه مرقوم واسیلک اثنای منازعه ده بالنهور استماتی بچاقله جرح و قتل ایلدیکی ثابت اولغله مجرمینه منقاً قرار ویریلرک اولباده تنظیم وامضا اولنان قرار نامه علناً قرائت ایلدکده معاون مومی ایله مجرمیتی تحت قراره النان واسیلک قانون جزانک یوزیتش دردنجی ماده سنک فقره اولمسنه توفیقاً تعیین ومدافعه وکیلی دخی تخفیف جزاسنی طلب ایتلریله مذاکره اوطه سنه عودت اولندی

جهت جزایه سی دخی مذاکره اولندقدن مرقومک حرکتی معاون مومی ایله طلبی وجهله قانون جزانک یوزیتش دردنجی ماده سنک فقره اولمسنه موافق اولدیغنه وفقره مذکورده دخی (برکیسه من غیر تعمد بر شخصی اتلاف ایتش ایسه اون بش سنه مدتله کورکه وضع اولنور) دیو محرر بولدیغنه مبنی بوفقره حکمنه توفیقاً وابتدای توقیفی اولان بیک اوچیوز بش سنه سی صفرینک اوچنجی

کونندن اعتباراً اون طقوزنجی ماده قانونیه منطوقجه بعدالته شهر اون بش سنه مدتله کورکه وضع اولمسنه وضبط واعلام واستنطاق خرچلریله خدمه اجرت قدیمه سی اولان جمماً یوز قرق طقوز غروشک مرقوم واسیلدن بالتحصیل عدلیه وزنه سنه تسلیم ایتدیرلمسنه ومدعی شخصی یورکینک حقوق شخصییه طلبنده بولدیغنی حالده تقدیم ایده جکی استدعاسنک مرجع مخصوصنه حواله سنه بیک اوچیوز بش سنه سی جادی اولمسنک یکریمنجی کوننه مصادف اولان بیک اوچیوز اوج سنه سی کانون ثانیئک یکریمی برنجی پنجشنبه کونی بالاتفاق قرار ویریلرک قانونک بیان ایلدیکی وجهله علناً تهنیمی اجرا واصول محاکمه جهمعین اولان معاملات سارهد ایفا قلندی

فی ٢٣ کانون ثانی سنه ٣٠٣

اعلان

فری قریه سنه اسماعیل افندیئک ماندره سنه خدمتجی نیکده لی سعیدی قتل قصدیه ور بوورلور قورشونیه جرح ایتسندن طولانی مظنون علیه

اولوب اوراقى بالتدقيق قانون جزائى بوزسكسانجى
مادهسى حكمته توفيقاً واصول محاكمات جزائيه
قانونك باب اربعتك فصل تائيسنده محرر مواد
احكامنه تطبيقاً در سعادت محكمة استينافيهسى
جنايت قسمنده غياباً محاكمهسى اجرا قلمق اوزره
جنايتله اتهامنه قرار ويريلان اورته بوبلى مايجه
كوزلى صارى بيقلى واوزنجه بوزلى بغدادى بكزلى
باغچوان خليلك هرزده كوريلورايسه طوتيلوب
محكمة مذ كوره توقيفخانه سنه تسليى لازمكه جكى
بالجمله ضابطه عدليه مأمورلرنيك معلومى اولق
اوزره اشبو اخذو كرفت مذ كرهسى در سعادت
هيئت اتهاميه سندن بالتنظيم اعطا قلندى

في غره جادى الاخرى سنه ٣٠٥
و في ١ شباط سنه ٣٠٣

لاز صالح عليهنه اقامه اولنان تشهير سلاح دعواسندن
طولايى لاجل المحاكمه واقع اولان دعوت اوزرينه
مرقومك پوليس ژورنالنده فرارده ايدوكى
كوسترلش اولديغى حالده معامله تابيعيه
سنگ اجراسى بالطبع ممكن اوله ماش و اجراى
محاكمهسى ايسه شباطك اون سكرنجى پنجشنبه
كونى ساعت بشده اسكدار بدايت محكمه سنجه
محاكمه عليه سنگ اجراسى مقرر بولنش اولديغندن

يوم مذ كورده مظنون عليهك بالذات محكمه ده
اثبات وجود ايتسى وعكس حالنده اصول محاكمات
جزائيه قانون موقتك بوز تيمشجى مادهسى حكمنجه
غياباً ايفاي معامله اولنه جغى واصول محاكمه
حقوقيه قانون موقتك يكرمى التجبى ماده سنه
توفيقاً تنظيم قلنان جلبنامه محكمه ديوانخانه سنه
تعليق اولنديغى اعلان اولنور

في ٩ جادى الاخرى سنه ٣٠٥
و في ٩ شباط سنه ٣٠٣

يانيه لى على بن ولى عليهنه اقامه اولنان امنيتى سوء
استعمال دعواسندن طولايى لاجل المحاكمه واقع
اولان دعوت اوزرينه مرقومك اقامتسكاهى
نامعلوم اولديغى مباشرى شركت اغانك
راپورطندن اكلاشلس اولغله معامله تابيعيه سنگ
اجراسى بالطبع ممكن اوله ماش و اجرى محاكمهسى
ايسه شباطك اون سكرنجى پنجشنبه كونى
ساعت بشده اسكدار بدايت محكمه سنجه محاكمه
عليه سنگ اجراسى مقرر بولنش اولديغندن يوم
مذ كورده مظنون عليهك بالذات محكمه ده اثبات
وجود ايتسى وعكس حالنده اصول محاكمات
جزائيه قانون موقتك بوز تيمشجى مادهسى
حكمنجه غياباً ايفاي معامله اولنه جغى واصول

محكمة حقوقيه قانون موقتك يكرمى التجبى
ماده سنه توفيقاً تنظيم قلنان جلبنامه محكمه ديوانخا
سنه تعليق اولنديغى اعلان اولنور

في ١٠ جادى الاخرى سنه ٣٠٥
و في ١٠ شباط سنه ٣٠٣

بيك اوچبوز اوج سى اغستوسنك اون سكرنجى
صالى كيجهسى يهودى ملتندن صبى خايمى بالاغفال
فعل شنيع اجرا ايتديكى اداسيله مظنون عليه
اولوب فندقلنده صالى بازارنده بالتجليلق و قلفات
يرنده بالفجى مغازه سنده بيتوت ايتديكى حالده
فرار ايدن اوزون بوبلى صارى صاچلى الاكوزلى
وصارى بيقلى صارىجه چهره لى قرق باشنده
حسنى نام شخص حقنده اجرا قلنان تحقيقات اوزره
جنايتله اتهامنه هيئت اتهاميه جه قرار ويرلمكدن
ناشى اصول محاكمات جزائيه قانون موقتك
اوچبوز يتش برنجى ماده موجبجه معامله
مقتضيه قانونيه ايفاي و محاكمه عليه غيايهسى اجرا
قلندرق قانون جزائى بوز طقسان سكرنجى
ماده سنه توفيقاً مرقومك اوج سنه مدته كوركه
قونلسنه و اوتوز برنجى ماده موجبجه حقوق
مدينه دن بالاسقاط اموالتك جزينه محكمه جنايتدن
حكم اولنش وقانون موقت مذ كورك اوچبوز

يتش يدى و اوچبوز يتش سكر و اوچبوز سكرسان
برنجى ماده لريله مواد سارسهسى احكامنه توفيق
معامله اجرا اولنمى مرجعه بيلديرلش اولغله
اعلان كيفيته ابتدار اولندى

في ١٠ جادى الاخرى سنه ٣٠٥
و في ١٠ شباط سنه ٣٠٣

محمد بن عليك اقامه ايلديكى ضرب دعواسندن
طولايى لاجل المحاكمه واقع اولان دعوت اوزرينه
مرقومك اقامتسكاهى نامعلوم اولنديغى مظنون عليه
طرفندن ويريلان شرحدن اكلاشلس اولغله معامله
تابيعيه سنگ اجراسى بالطبع ممكن اوله ماش
و اجراى محاكمهسى ايسه شباطك اون سكرنجى پنجشنبه
كونى ساعت بشده اسكدار بدايت محكمه سنجه محاكمه
عليه سنگ اجراسى مقرر بولنش اولد يفتندن يوم معين
مذ كورده مظنون عليهك بالذات محكمه ده اثبات وجود
ايتسى وعكس حالنده اصول محاكمات جزائيه
قانونك بوز تيمشجى مادهسى حكمنجه غياباً ايفاي
معامله اولنه جغى واصول محاكمه حقوقيه قانون
موقتك يكرمى التجبى ماده سنه توفيقاً تنظيم
قلنان جلبنامه محكمه ديوانخانه سنه تعليق
اولنديغى اعلان اولنور

في ١٠ جادى الاخرى سنه ٣٠٥
و في ١٠ شباط سنه ٣٠٣

صامس-ونلی محمد علیهنه اقامه اولنان ضرب دعواسندن طولایی لاجل المحاکمه واقع اولان دعوت اوزرینه مرقومک اقامتکاهی نامعلوم اولدیغی چنکل قریه سی حاججیسی طرفندن ویریلان شرحدن اکلاشلش و معامله تبلیغیه سنک اجرایی بالطبع ممکن اوله مامش و اجرای محاکمه سی ایسه شباطک اون سکرنجی پنجشنبه کونی ساعت بشده اسکدار بدایت محکمه سنجه محاکمه علنیه سنک اجرایی مقرر بولنش اولدیغندن وم مذ کورده مظنون علیهک بالذات محکمه ده اثبات وجود ایتمی و عکس حالنده اصول محاکمات جزاییه قانون موقتک یوز یتمشنجی ماده سی حکمنجه غیاباً ایفای معامله اولنه جنی و اصول محاکمه حقوقیه قانون موقتک یکرمی التجی ماده سنه توفیقاً تنظیم اولنان جلبنامه محکمه دیوانخانه سنه تعلیق اولندیغی اعلان اولنور

فی ۱۱ جادی الاخری سنه ۳۰۵

وفی ۱۱ شباط سنه ۳۰۳

چهار سوم علیهنه اقامه اولنان دولاندیریمیلیق دعواسندن طولایی لاجل المحاکمه واقع اولان دعوت اوزرینه مرقومک اسکدار ده سلامی علی افتدی محله سنده بولندیغی ارمنی مختاری طرفندن ظهر جلبنامه یه شرح ویریه رک معامله تبلیغیه سنک

اجرایی بالطبع ممکن اوله مامش و اجرای محاکمه سی ایسه شباطک یکرمنجی جمعه ابرتسی کونی ساعت بشده اسکدار بدایت محکمه سنجه محاکمه علنیه سنک اجرایی مقرر بولنش اولدیغندن وم مذ کورده مظنون علیهک بالذات محکمه ده اثبات وجود ایتمی و عکس حالنده اصول محاکمات جزاییه قانون موقتک یوز یتمشنجی ماده سی حکمنجه غیاباً ایفای معامله اولنه جنی و اصول محاکمه حقوقیه قانون موقتک یکرمی التجی ماده سنه توفیقاً تنظیم اولنان جلبنامه محکمه دیوانخانه سنه تعلیق اولندیغی اعلان اولنور

فی ۱۱ جادی الاخری سنه ۳۰۵

وفی ۱۱ شباط سنه ۳۰۳

حر بوطلی مصطفانک علیهنه اقامه اولنان ضرب و جرح دعواسندن طولایی لاجل المحاکمه واقع اولان دعوت اوزرینه مرقومک اقامتکاهی نامعلوم اولدیغی ظهر جلبنامه یه ویریلان شرحدن اکلاشلش اولغله معامله تبلیغیه سنک اجرایی بالطبع ممکن اوله مامش و اجرای محاکمه سی ایسه شباطک اون سکرنجی پنجشنبه کونی ساعت بشده اسکدار بدایت محکمه سنجه محاکمه علنیه سنک اجرایی مقرر بولنش اولدیغندن وم مذ کورده مظنون علیهک بالذات محکمه ده اثبات وجود ایتمی و عکس حالنده اصول محاکمات جزاییه قانون موقتک یوز یتمشنجی

ماده سی حکمنجه غیاباً ایفای معامله اولنه جنی و اصول محاکمه حقوقیه قانون موقتک یکرمی التجی ماده سنه توفیقاً تنظیم اولنان جلبنامه محکمه دیوانخانه سنه تعلیق اولندیغی اعلان اولنور

فی ۱۱ جادی الاخری سنه ۳۰۵

وفی ۱۱ شباط سنه ۳۰۳

- ۱ یازنخانه ۲ موصلق ماصه سی ۲ اوزری
- موشانه قنابه ۳ اوزری مرمر ماصه ۱ مادی
- ماصه ۲ صغیر و کبیرآینه ۸ قاریوله مندری اوت
- ۸ مادی قاریوله ۱ حصر صندالیه ۱ ال-حو-
- لیسی ۱ فس فورچه سی ۱ باش طراغی ۱ کبریتک
- ۱ موم شمعدان مادی ۸ قاریوله یورغانی
- ۸ قاریوله دوشکی ۸ قاریوله چارشابی ۱۶ یوز
- یصدیغی ۳ پنجره پرده سی ۲ تخته پاپوجی
- ۱ سوراچی ۱ بارداق

ثروت بکک در سعادت بدایت محکمه سی برنجی حقوق دائرة سندن فی ۸ کانون اول سنه ۳۰۳ تاریخلی اعلام موجبجه محمد اغا ذمتنده الاجنئی بولنان مبالغ معلومه نک تأمین استیفاسیچون

مدیون مرقومک بوجه بالا تحت جزه الدیریلان یکرمی ایکی قلم اشیا سنک اوچیوز اوچ سنه سی شباطک اونجی چهارشنبه کونندن اعتباراً اوچ کون چارشوی کبیرده علی پاشا خاننده بالزایده فروخت ایدیله جکی در سعادت اعلامات نظامیه اجرا دائرة سندن اعلان اولنور

فی ۶ شباط سنه ۳۰۳

راشد افندیق قدرال عزیز افندیق به اولان دیون محکومه سنک تسویه سیچون شهزاده باشی جوارنده بلبان اغا محله سنده چیقماز بلبان اغا زقاغنده ایکی نومرو ایله مرقم ایکی اوطه بر صوفه و علی التخمین جدید اوچیوز اوچ و عتیق در تیوز ذراع مقداری بغچه و مشتلات ساره بی حاوی بر باب خانه ده یکرمی درت حصه اعتباریه متصرف اولدیغی درت حصه سی تاریخ اعلاندن اعتباراً اون بش کون صکره موقع مزایده به قونیه جغندن اشترایه طالب اولنلرک ودها زیاده معلومات المق ایستیانلرک محکمه تجارت اجرا دائرة سنه مراجعت ائلری اعلان اولنور

فی ۱۰ شباط سنه ۳۰۳

اتصالنده واقع باغچه دن علی رضا افندی به هاند
اولان یوزالی ذراع محلتک افرازیله تاریخ اعلاندن
اعتباراً اون بش کون صکره بالمزایده فروخت
ایتدیریله جکی بک اوغلی بدایت محکمه سی اجرا
مأموریتی جانبندن اعلان اولنور

فی ۱۰ شباط سنه ۳۰۳

حلیم بک فولیک قادین ذمتنده بااعلام الاجغی
اولان مبالغک تأمین استیفاسی ایچون مدیونه
مومی الیهانک عهده سنده اولوب تحت بجزه
النسان درسه عادتده بیوک یکی خانک اوست قاتی
دیشاروسنده التی نومرولی برباب قهوه دکانک
فروختی محکوم بولندیغندن تاریخ اعلاندن اعتباراً
اون بش کو نصکره مزایده سنه مبادرت اولنده جغی
اسکدار بدایت محکمه سی اجرا دایره سندن اعلان
اولنور

فی ۱۱ شباط سنه ۳۰۳

احمد قاز افندیکنک $\frac{۲۰۵}{۴۷}$ نومرولی اعلام موجبینه
امینه ظفر خانم ذمتنده الاجغی اولان معلوم المقدار
مبالغ مقابلنده مرهون اولان بش کطاشده
تشویقیه محله سنده کاغذ خانه جاده سنده اون بر
نومرولی خانک نصف حصه شایعه سیله ومومی
الیهانک زوجی علی رضا افندیکنک دخی ینه مومی
الیه احمد قاز افندی به محکوم به دینی اولان
مبالغک تأمین استیفاسی ضمننده مذکور خانک